

UNIVERSITY OF SARAJEVO  
FACULTY OF SCIENCE

Broj: 01/01-3403/15-2019  
Sarajevo, 26.02.2020. godine

Zmaja od Bosne 33-35  
Sarajevo  
Bosnia and Herzegovina  
Phone ++387 (0)33 723723  
Fax ++387 (0)33 649359

Na osnovu člana 64. stav (1) tačka b), člana 70. st. 1., 3. i 6., člana 72. stav (3) pod a) Zakona o javnim nabavkama („Sl. glasnik BiH“, broj 39/14), Preporuke Komisije za javnu nabavku broj: 01/01-3403/10-2019 od 20.01.2020. godine, Zapisnika o prijemu dokumentacije broj: 01/01-3403/14-2019 od 21.02.2020. godine u postupku nabavke roba – **LABORATORIJSKI PRIBOR I POSUĐE - Rezervni dijelovi i pribor za Perkin Elmer instrumente**, Dekan Prirodno-matematičkog fakulteta Univerziteta u Sarajevu je donio

## **O D L U K U**

### **o dodjeli ugovora drugorangiranom ponuđaču**

#### **Član 1.**

U postupku po konkurentskom zahtjevu za dostavu ponuda za nabavku roba: **LABORATORIJSKI PRIBOR I POSUĐE - Rezervni dijelovi i pribor za Perkin Elmer instrumente**, dodjeljuje se drugorangiranom ponuđaču **EMGEN d.o.o. Sarajevo** čija ukupna cijena ponude nakon E-aukcije iznosi **8.300,00 KM bez PDV-a**, kao prvom narednom ponuđaču sa rang liste iz preporuke Komisije za javne nabavke, broj: 01/01-3403/10-2019 od 20.01.2020. godine.

#### **Član 2.**

Drugorangirani ponuđač dužan je u roku od **6 (šest) dana** od dana zaprimanja ove Odluke, na adresu Prirodno-matematičkog fakulteta Univerziteta u Sarajevu, Zmaja od Bosne 33-35, 71000 Sarajevo dostaviti originale ili ovjerene kopije dokaza traženih tačkom 2.1. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

#### **Član 3.**

Za izvršenje ove odluke zadužuje se i ovlašćuje Sekretarijat i Služba računovodstva Fakulteta.

#### **Član 4.**

Ova odluka objavit će se na web-stranici [www.pmf.unsa.ba](http://www.pmf.unsa.ba).

#### **Član 5.**

Ova odluka stupa na snagu danom donošenja.

## Obrazloženje

Nakon provedenog konkurentskog zahtjeva i E-aukcije za javnu nabavku roba: **LABORATORIJSKI PRIBOR I POSUĐE - Rezervni dijelovi i pribor za Perkin Elmer instrumente** za potrebe Prirodno-matematičkog fakulteta Univerziteta u Sarajevu, Komisija za javne nabavke je na osnovu Izvještaja o toku i završetku E-aukcije u Zapisniku o pregledu i ocjeni ponuda konstatovala slijedeće:

R.br.	Naziv ponuđača	IDB/JIB	Konačna cijena KM bez PDV-a	Rang
1.	<b>EURO LAB d.o.o.</b>	4400375860000	<b>7.900,00</b>	1
2.	<b>EMGEN d.o.o.</b>	4202488150002	<b>8.300,00</b>	2

Na preporuku Komisije za javne nabavke broj: 01/01-3403/10-2019 od 20.01.2020. godine, donesena je Odluka broj: 01/01-3403/11-2019 od 20.01.2020. godine o izboru najpovoljnijeg ponuđača i dodjeli ugovora ponuđaču EURO LAB d.o.o. Bijeljina za nabavku roba: **LABORATORIJSKI PRIBOR I POSUĐE - Rezervni dijelovi i pribor za Perkin Elmer instrumente** za potrebe Prirodno-matematičkog fakulteta Univerziteta u Sarajevu.

Članom 2. navedene Odluke utvrđeno je da izabrani ponuđač EURO LAB d.o.o. Bijeljina dužan dostaviti na adresu Prirodno-matematičkog fakulteta Univerziteta u Sarajevu, Zmaja od Bosne 33-35, 71000 Sarajevo u roku od 6 (šest) dana od dana zaprimanja Odluke, dostaviti originale ili ovjerene kopije dokaza traženih tačkom 2.1. Tenderske dokumentacije, ne starije od 3 (tri) mjeseca od dana predaje ponude, računajući od dana dostavljanja ponude.

Na osnovu uvida u dokumentaciju predmetnog postupka, Komisija je utvrdila slijedeće činjenično stanje:

- Odluka o izboru najpovoljnijeg ponuđača broj: 01/01-3403/11-2019 donesena je 20.01.2020. godine i ista je putem pošte 24.01.2020. godine proslijeđena svim ponuđačima koji su blagovremeno dostavili ponude.
- Kako obavijesti o prijemu pošiljki nisu dostavljene na protokol Prirodno-matematičkog fakulteta, dana 06.02.2020. godine u Poštu su predate potražnice broj: 12/20 i 13/20 sa ciljem obezbjeđivanja dokaza o prijemu navedene Odluke kod oba ponuđača.
- Na osnovu Rješenja potražnice broj: 8/20 od 08.02.2020. godine dostavljenog od strane JP BH Pošta, a zaprimljene na protokol Fakulteta dana 18.02.2020. godine utvrđeno je da je predmetna pošiljka kod ponuđača EMGEN d.o.o. Sarajevo zaprimljena 03.02.2020. godine.
- Na osnovu Rješenja potražnice broj: 12/20 od 10.02.2020. godine dostavljenog od strane JP BH Pošta, a zaprimljene na protokol Fakulteta dana 20.02.2020. godine utvrđeno je da je predmetna pošiljka kod ponuđača EURO LAB d.o.o. Bijeljina zaprimljena 28.01.2020. godine.
- Utvrđeno je da je ponuđač EURO LAB d.o.o. Bijeljina dana 12.02.2020. godine putem Protokola dostavio dokumentaciju na kojoj je otisnut štembilj Prirodno-matematičkog fakulteta pod brojem: 01/01-3403/13-2019 od 12.02.2020. godine.
- Rok za dostavljanje dokumentacije tražene tačkom 2.1. Tenderskom dokumentacijom i članom 2. Odluke o izboru najpovoljnijeg ponuđača broj: 01/01-3403/11-2019 od 20.01.2020. godine istekao je 04.02.2020. godine.

Shodno navedenom, Komisija za javne nabavke konstatovala je da je prvorangirani ponuđač EURO LAB d.o.o. Bijeljina *propustio da u roku* koji je odredio Ugovorni organ dostavi originale ili ovjerene kopije dokaza o kvalificiranosti traženih tačkom 2.1. Tenderske dokumentacije za nabavku roba: ***LABORATORIJSKI PRIBOR I POSUĐE - Rezervni dijelovi i pribor za Perkin Elmer instrumente*** za potrebe Prirodno-matematičkog fakulteta Univerziteta u Sarajevu.

Uzimajući u obzir naprijed navedeno, primjenom člana 72. stav (3) pod a) Zakona o javnim nabavkama BiH, prihvaćena je preporuka Komisije za javne nabavke i odlučeno je kao u dispozitivu ove Odluke.

**Pouka o pravnom lijeku:**

Protiv ove Odluke može se izjaviti žalba, najkasnije u roku od pet (5) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.

**DEKAN FAKULTETA**

**Prof. dr Mustafa Memić**

**Dostaviti:**

- Ponuđaču: EURO LAB d.o.o.
- Ponuđaču: EMGEN d.o.o.
- Dosije nabavki
- a/a